

礪溪集卷之三

棲霞長春子邱

處機

撰

青天歌

青天莫起浮雲障
雲起青天遮萬象
萬象森

羅鎮百邪光明不顯邪魔王

接連而下
不復行



友三

我初開廓天地清萬戶千門歌太平有時一
片黑雲起九竅百骸俱不寧

是以長教慧風烈三界十方飄蕩徹雲散虛
空體自真自然現出家家月

月下方堪把笛吹一聲響嘒鎮震華夷驚起東

方玉童子倒騎白鹿如星馳

逡巡別轉一般樂也非笙兮也非角三尺雲
璈十二徽歷劫年中混元斲

玉韻琅琅絕鄭音輕清徧貫達人心我從一
得鬼神輔入地上天超古今

縱橫自在無拘束心不貪榮身不辱閑唱壺
中白雪歌靜調世外陽春曲
吾家此曲皆自然管無孔兮琴無絃得來驚
覺浮生夢晝夜清音滿洞天

吟六首

先天吟

六首

空山靜夜微雲作淡月疎星寒氣錯忽見長
庚耀太虛迴觀北斗潛寥廓乾坤舒慘即時
改宇宙紛綸何所託必有機關默動搖憑虛
反覆相酬酢大哉無極玄元道何者不蒙靈

應藥點化三光轉碧空滋榮萬物開花萼騰
今跨古未嘗壞歷險衝艱殊不弱浩浩洪流
自激揚紛紛大化誰斟酌混元一氣首興變
無上至尊唯獨惡踏碎虛空出杳冥擘開混
沌生揮霍陰陽升降作門戶日月縱橫為鎖

鑰暑往寒來晝夜分時通運塞興衰各既而
上立乾坤鈕復乃下鳴師範鐸建德隨方料
物宜因時設教從人樂三皇五帝皆宗祖六
道四生咸唯諾至聖文才尚發蒙猶龍道德
何其博

度世吟

山深路僻行人少，盡日幽巖聽啼鳥。無客相陪皓月中，有時獨立青雲表。雲表孤吟百邪遠，天涯一覽羣山小。調高風急韻悠颺，清絕步虛神縹緲。憶昔重陽泛天角，清吟欲序乾

坤樸鈞拔扶風人，不知測量大海余。先覺入神妙，致應難辨出。俗玄談非所學，返觀今日道。崢嶸始得信他年功，卓犖首及東。年演仁孝未能化，俗開籠罩五會軒。軒立五名寧海金蓮登州

玉華萊州平等文
登七寶福山三光

三州袞袞崇三教，出神入

夢人驚駭擲蓋投冠予計較師居東海乃猶
龍馬入西秦還變豹丹陽弘道隆於陝右也
丹陽等數人從重陽師自文登如寧海時適
龍泉日氣稍熾師令余等前已執傘在後距
半里許余忽迴顧見傘騰空而起余急返走
問之云搏扶搖而上不知其然而然初傘起
東北望之冉冉墜於沙間指其方而覓之了
無所也時余法眷翁陽子王公隱於東海隅

之查山山到文登一百一十里文登到傘起
處又七十里傘起乃辰時及晡墮傘陽公菴
前柄內餘陽子道號往賜之焉翁字篇韻本
無乃師之所撰傘自後查山下翟公家藏之
本寧海范明叔家借用者范後知往取之而
弗肯予投冠者初師之登城北觀海頭上竹
皮冠忽墮水漂去
已而復還翁音竹

逍遙吟

十洲三島兮巨海之中瓊樓絳闕兮參差半
空松陰密鎖兮無畏日紈扇不搖兮有清風
流金熱佩玉真仙未嘗說水晶宮殿開寶座
星辰列碧虛懸象遶樓臺清淨化身非骨血
本來身自通神談笑忽驚天上人

自在吟

瑤臺閨苑兮碧漢之中祥雲瑞炁兮盈盈滿
空羣仙出沒兮灑清雨萬化開坼兮動香風
炎蒸熱那裏人家不曾說煙收洞府開門倚
星河列九天時復會嘉賓萬里不須乘汗血

物外身自清神誰羨登樓搖扇人

望海吟

余觀天下形勢壯觀自潼關以東淮水
以北無出登州因作望海吟用紀其實
蓬萊僻東隅壯觀天下絕地隣仙聖域山枕

魚龍穴憑高望羲和目極猶未徹蒼蒼天水
迴泛泛雲霞泄長風起波濤萬里卷霜雪憑
凌吞島嶼滉漭失邱垤有時靈氣和變化非
常別森羅無限景欲辨難措舌大哉百谷王
沉沉洞清徹隨時潮有信歷代早無竭人間

頃畝池是處廣開列比之鯨波大狀若蛙井
劣望音平洋不見端瀾天自嚴潔衆流莫渾濁
萬古超生滅

仙游吟

閨苑紅塵外瑤臺碧漢間洞中仙不老雲外

客長閑赤鳳吟丹穴紅猿吠藥欄青衣傳詔
下白鶴送書還宴赴瓊林會詩裁羽客班浩
歌金母殿長嘯玉龜山果結三千歲樓高十
二環穆王何日到方朔幾時攀姑射肌猶潔
雙成兒更殷飛瓊投月窟弄玉驪華鬢命駕

遊三島搏風過百蠻周旋窺海嶽奮擲上天
關蕩蕩空無極滔滔興未闌恢然超法界不
復戀人寰

頌三首

讚道

前賢後聖無差別異派同源化執迷太一混
元開戶牖玄真直指上天梯

去惑

他人之言不可聽自己之心但可正若憑他
口是非言壞却自身功德性

示衆戒色

勞生有萬種最大無過色不唯喪命根復乃
銷陰德還能戒此一酷勝其他百慕道佛修仙
人從來是標格

步虛詞二首

曠蕩修真教飄飄出世門先師開戶牖歸馬
動乾坤陋室迴仙觀高名軋帝閣雲朋霞友
會朝禮太虛尊

寶炷成雲篆華燈簇夜光星河初煥爛鐘磬
乍悠颺醮主承嘉會虔心禱上蒼諸仙來顧

盼接引下。虛皇

世宗皇帝挽詞 一首并引

臣處機以大定戊申春二月自終南台
赴闕下蒙賜以巾冠衫繫待詔於天長
觀越十有一日旨令處機作高功法師

主萬春節醮事夏四月朔徙居城北官
菴越二日己巳奉聖旨塑純陽重陽丹
陽三師像于官菴彩繪供具靡不精備
後五月十八日召見於長松島秋七月
十日再召見剖析天人_之理頗愜宸衷

薄暮言歸翌日遣中使賜桃一槃處機
不食茶果十有餘年過荷聖恩即啗一
枚中秋以他事得旨許放還山仍賜錢
十萬表而辭之逮己酉歲春途經陝州
遽承哀詔時也風塵瀕洞天氣蒼黃士

庶官僚盡皆素服戴白嗚呼生死之大者為處機萬乘富有四海不雖道修方外身

能終乎百年之何哉處世間重念皇恩寧不有感謹綴挽詞

一首用表誠懇云

哀詔從天降悲風到陝來黃河卷霜雪白日

翳塵埃自念長松晚天恩再詔迴金槃賜桃

食厚德寔亦傷良

古調十五首

速脩

一日一日復一日短景渾如電光疾天長地
久磨古今春去秋來變時律大夢沉沉無畫

夜浮生衮衮差勞逸人情不斷猶著空我志

雖高尚憂失殼時游魂如陷穽心懷嗜欲同

憐蜜蜜甜有味何日忘穽黑無明幾時出出

拔須憑高尚行修治音平不假虛僥術但能物

我却親疎自然神鬼難凶吉吾身道性未開

眼土塌柴扉且容膝和光同塵隨是非化聲
相待無相詰

時八月間令人持詩於縣中覓破布

衲衣 西號也

白露將殘寒露潔山家冷淡觀遊絕樹頭黃

葉墜千林身上麻袍聯百結舊布重煩七里

市 到城七里也 衲衣復待三冬雪中豪富各仁

慈庶在磻溪長守拙

隴山松

我居西山時六年山西上有松孤然朝雲霏

微接闕塞暮雨浙瀝交洞天天生此境為吾
伴隔澗相陪遠相看鬱鬱蒼蒼氣色佳蕭蕭
瑟瑟風聲貫連枝合抱垂重陰受命已經千
載深如何今歲上春月平地忽遭樵斧侵斧
聲丁丁響溪谷松煙慘慘愁山麓也知天意

我將歸故遣靈巖爾先覆有夏禹廟甚靈景亡人散

復何陳空山黯淡悲遊人白鶴高飛失行止
蒼龍偃臥無精神亦知物象終難固凡百有
形皆有數高歌物外歸去來大隱鄗中益開

悟

贈滎陽唐括姑乃故丞相之女弟也
予時在隴山京兆統軍夾谷公專人
書召姑尋至

東萊之姑性立達蘊德含章自超拔未能撈
漉今古原西出長安載脂牽殷勤邀吾於隴
山余時杖策徐東還還到長安舊遊處故人
不死多蒼顏迴頭為報姑明取百歲光陰一
寒暑速遠拋家業違物情早作閑人伴仙侶壺
中自遊日月長身外不復衰殘殃跨古騰今
別無事只由大德心開張

因旱作

玄元大道統陰陽造化乾坤萬物昌高下如
能各處分始終即得免罹殃今之曷故多灾哉
障蓋為人心胡縱放美食鮮衣器用華狂朋
怪侶邪淫王陰陽交錯古來傳恩害相生本
自然迤邐不能廉度日因循直致旱經年青
霄碧落常無雨紫陌紅塵唯播土鑠石流金
萬物焦鎔腸裂背羣生苦有時率衆取湫祈
鬻肉粧槃自噎飢侮慢加之傷物命喧呼何
足動神祇哀哉俗態荒聲色箇箇傾危身反

側安得人心似我心免遭痛切臨頭厄

贈華州沙澗寨劉校尉

劉公滿室皆行善供養閑人心不倦巧行謾
天我不為至心奉道人皆羨殷勤種德養靈
芽闔郡生民有幾家佇看異日功夫到共躡

祥雲阿母家

愍物

二首比歲飢疫
相仍之故也

天蒼蒼兮臨下土胡為不救萬靈苦萬靈日
夜相凌遲飲氣吞聲死無語仰天大叫天不
應一物細瑣徒勞形安得大千復混沌免教

造物生精靈

嗚呼天地廣開闢化出衆生千百億暴惡相
侵不暫停循環受苦知何極皇天后土皆有
神見死不救知何因下土悲心却無福徒勞
日夜含酸辛

六月庚午喜雨

我聞東山雨千載無西行胡為閱今夏屢及
滂沱霏昨日午時後一洗芽甲生今日申時
前再傾車軸烹千山日慘慘四野雷轟轟平
地涌三尺大河侵五更蛟龍出池沼旱魃填

溝坑雲漢復何有天衢從此身

題劉節使所藏顯宗御畫莊子

顯宗好道當年壯手筆南華古形狀南華去
世千載餘狀貌風格知何如只是今人重古
道髣髴氣象加襟裾至人胸中本無待萬竅

吹噓任天籟楊韓稭阮心不同到了各歸於
大塊

冬日郊外閑步

草木既凋殘冰霜何凜冽長空鳥飛盡大海
魚遊絕商旅不行舟昆蟲皆閉穴誰能豐足

外解把孤貧設

秋風海上

蓬萊有客無家鄉身擬學仙遊大方大方洪
水浸天闊東極萬里青茫茫曉來雨過西風
急策杖憑高看呼吸鴻鴈連天剝棗晴魚龍

戲水操舟入千尺絲綸輪直下垂碧波深處釣
鯨鯢紛紛魚鼈不肯食齷齪波瀾空自迷挂
席未能超彼岸乘槎再欲浮天漢天漢高高
萬象明白雲誰是長生伴

登州修真觀建黃籙醮

渾淪至道急如箭反覆陰陽自交戰太極茫
茫造化開平空落落神奇見羣生萬象參差
出六合八紘粒點遍跨古騰今逐日新流形
返樸隨時變有情無情不可窮大智小智交
相攻不有聖賢開教化那知動植本虛空千

經萬論垂方便寶笈琅函興衆善自昔根源
發杳冥迄今道德猶光顯邇來天下教門興
達士隨方化有情我亦周流三十載還鄉復
到海邊城城南磊落修真觀氣勢清高接河
漢俯視滄茫渤澥深仰觀卓犖星辰煥城中

信士往來多物外交朋意氣和承安四年冬
十月大興黃籙演金科赤書玉字先天有白
簡真符破邪久三級瑤壇映寶光九卮神燈燭
摘星斗巉岳破錢鄴都山列峙昇仙不可攀
四夜嚴陳香火供九朝時聽步虛環千門萬
戶生歡悅六街三市齊鋪設金花銀燭相輝
映表裏光明自通徹忽聞空外顯嘉祥蕭索
輪囷有異常玉帝傳宣行大赦仙童騎鶴下
南昌幽魂滯魄皆超度白叟黃童盡欽慕天
涯好事未嘗聞壓盡山東河北路

濰州城北千戶新觀

清閑不在苦幽棲
心上無塵到處宜
北海葱蔥郡城角
地多花木景多奇
昔年車馬空撩亂
今日翻為玉清觀
觀中遊戲是何人
天下往來都散漢
池塘寂寂鎖煙霞
大寶蓮開十

丈花借問經營誰
施作主襲封千戶太均家

題萊州招遠縣雲屯山觀

雲屯山上雲冥冥
天風蕩搖飛雨零
神奇幻恠不可測
千變萬化無常形
雲收雨霽香無跡
但見羣山羅翠屏
山高谷深復何有
白石

磊磊松煙青春遊浩蕩滿山谷直上似欲趣
天庭心虛目極淡天闊俯視漠漠環滄溟昔
居菴地走三郡登萊寧海人多朝拜今為洞天朝萬靈
虛空舊基作親觀人為呼舊址也萬世不朽傳佳
銘

五言短句三首

警世

粉黛與珍玩繁華虛熱亂欲知萬事空須作
百年觀

登膠水北山

憑高望南海極目天蒼蒼天際白雲起凌空
飛杳茫

雪霽

澄澄東海月皓皓西山雪殘夜忽嚴凝清光
何皎潔

五言長篇五首

示衆

性逐無邊念輪迴幾萬遭五行隨變化四大
不堅牢暫假因緣活空貪歲月勞不知身是
患徒競物為高在事雖能幹於身大沒操六

塵飛冉冉三界走嗷嗷眩惑疲雙眼貪求逼
二毛剗心無膽氣戀色有脂膏白首渾如雪
蒼顏不似桃未能從教化尚自騁兇豪勁捷
穿雲鶻顛狂挂壁猱有時生狡猾無事起波
濤罪孽如山積精神似海淘無由伴松栢直

待掩蓬蒿

海上述懷

海上風清冷天根水杳茫冰山雖斷絕暑氣
自銷亡雅志橫高節虛心適大方披雲遊汗
漫鼓櫂泛滄浪獨立明千古周行視八荒天

星非有落地脉杳無疆幻化漚千點浮生夢
一場精神隨手變花木暫時芳百歲光陰短
三山道路長求仙悲漢武失道歎秦皇採藥
童應老乘槎客未詳空餘三島跡時復顯嘉

祥

大竹山小竹山車牛島為
之三島嘉祥即海市也

秋日艾山

秋風蕩山嶽曉日驅雲煙嫩菊黃鋪地明霞
翠埽天登臨思海嶠游戲挹山泉巨石危猶
壯寒松老更堅巖花香馥馥澗草綠緜緜遁
跡潛行道虛心不坐禪觀空雖自在遇景且

留連放筆紅塵外馳名紫府邊猶慚金母訣
敢道玉皇宣住世過三樂安時邁七賢韜光
終返樸應物且隨緣蝶夢驚千古神遊待百
年人人還得遇口口自相傳

武官梨花

白帝離金闕蒼龍下玉京地神開要妙天質
賦清英色貫銀蟾媚香浮寶殿清參差千萬
樹皎潔二三更艷杏無光彩妖桃陪下情梅
花先自匿柳絮敢相輕最好和風暖尤佳麗
日晴游人期放曠羽客賀昇平未許塵埃染

常資雨露榮郭西傳舊跡山北耀新聲爛熳
鶯穿喜扶疎鵲踏驚琳宮當戶牖芝室近簷
楹綽約姑山秀依稀華嶽精會看年穀熟普
濟法橋成

登道士谷山

淡蕩春風暖暄和曉日遲褰裳登詰屈絕頂
翫幽竒北海洪濤濶南山大澤危東風青鳥
下西嶺白雲垂眼界空濛極煙光縹緲隨精
神何灑落道德自扶持髣髴丹霄外參差碧
漢涯那煩採芝術直赴上仙期

礮溪集卷之三

